

Txirritola

ARAMAIO / Barikua / 2004ko ekainaren 11 / 112. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Bi aramaioar Eskolarteko Euskadiko Txapelketara

UBANE MADERA

Hiru aramaioar txapeldun izan dira Arabako VIII. Eskolarteko Bertsolari Txapelketan. Horren ondorioz, datorren ekainaren 19an jokatu den Euskadiko Txapelketan parte hartuko dute.


Aramaiotik, zazpi bertsolarik parte hartu zuten Arabako VIII. Eskolarteko Bertsolari Txapelketan; eta zazpiotatik, hiruk irabazi egin dute zegokien saioa.

IDATZIZKO BERTSOAK

Batetik, idatzizko bertsoen proba jokatu zuten. Proba horretan, 700etik gora ikaslek parte hartu du eskualdeka jokatu diren kanporaketetan. Horietatik, 55 inguru iritsi ziren finalera, eta 12 urteko Xabier Igoa aramaioarra gailendu zen 14 urte azpikoen mailan.

BAT-BATEKO LEHIAKETA

Eta beste bi aramaioarrak batbateko bertso saioan gailendu ziren. 100 bat lagun elkartu zen Gasteizko Armentia ikastolan saio hori ikusteko. Horien guztien aurrean jardun zuen bertsotan, besteak beste, Markel Arriolabengoak aramaioarrak. "Hasieran



Iker Agirrekin batera, Markel Arriolabengoak ordezkatu du Araba ekainaren 19an.

lasai, eta bukaeran urduri samar", hark esan digun moduan. Kontuak kontu, ondo ibili zen eta berak eraman zuen txapela. Besteak beste, bi bertso bukaera emanda eta bigarren fasean, ofiziolako proba egin behar izan zuen. Markel Arriolabengoak kontatu digu txikitatik datorkiola bertsolaritza-

rako zaletasuna eta laugarren mailan hasi zela Bertso Eskolan.

Bukatzeke, 14tik 18 urterakoen artean, Iker Agirrek lortu zuen txapela. Adituen arabera, gainerako parte hartzaileen ondoan, etorri eta bizitasun handiena izan zuten bi irabazleek: Iker Agirrek eta Izar Mendigurenek.

Ezohiko ekimenak egiten dabilta eskolakoak

U.M.

Datorren astean kontsumo lantegiak egingo dituzte San Martin Eskolan. Bestalde, oraingo astean, lehenengo eta bigarren mailako ikasleak Zarauzko barnetegian izan dira.

Opor sasoia gerturatzen doan neurrian, eskolan ohikoak ez diren egitasmoak lantzen dituzte. Hala, adibidez, Eusko Jaurlaritzak antolatuta, datorren eguean eta barikuan, kontsumo lantegiak egingo dituzte eskolan. Birziklapena, ehungintza, jakien analisiak, publizitatea, kontsu-

mitzaileen eskubideak eta antzerako gaiak landuko dituzte umeek Jaurlaritzako bi begiralek lagunduta. Goizean jardungo dute horretan, 13:00ak arte.

IRTEERAK

Eta ezohiko ekitaldien artean, oraingo eguaztenetik gaur arte (barikua), eskolako aurreneko eta bigarren mailako neska-mutikoak Zarauzko barnetegian izan dira. Han zenbait irteera egiten ibili dira, besteak beste, Chillida-Leku museoa ikusi dute. Era berean, gaur, barikua, Gasteizko igerilekuetara eta hondartzara joateko asmoa zuten, baina,

jakinarazi digutenez, bertan behera utzi dute txangoa.

OPORRAK ETA UDALEKUAK

Bestalde, eta oporrak aipatu ditugunez, laster hartuko dituzte oporrak eskolakoek, San Juan egunaren bezperan, hain zuzen ere. Edozelan ere, uztailean aspertu ez daitezen, Udalean dagoeneko gertu dituzte aurtengo udalekuak. Herriko jaien ostean hasiko dira, uztailearen 7an, hain justu ere. Hamar eguneko udalekuak izango dira. Zortzi begirale ibiliko dira neska-mutikoak zaintzen. Dagoeneko 80 neska mutikok eman dute udalekuetarako izena.

Euskararen erabilera indartzeko hitzarmena

U.M.

Hamabi udalek euskararen aldeko hitzarmena sinatu dute Euskadiko Kutzarekin. Horien artean dago Aramaioko Udala. Hitzarmen horren arabera, besteak beste, Euskadiko Kutzak Aramaion duen bulegoan, bezeroarekiko harremanetan lehentasuna emango diote euskara erabiltzeari.

Sei puntuko hitzarmena sinatu dute Aramaioko Udalak eta Euskadiko Kutzak. Lehenik eta behin, hitzarmena sinatu duten erakundearen arteko harremanak euskaraz izango direla hitzartu dute; bestetik, Euskadiko Kutzak konpromisoa hartu du Aramaioko bulegoan euskararen presentzia ugaltzen ahalegintzeko. Horren harira, diote, adibidez, orain errenta aitortpena

egiteko hartuko dituzten langileak euskaldunak izango direla. Horrekin batera, Euskadiko Kutzan bezeroari lehenengo hitza euskaraz esango diote; gasteak bereziki kontuan hartuko dituzte kutxako zerbitzuak euskaraz erabil ditzaten; kutxazainen sarrerako agurra euskaraz izango da; sukurtsaleko kartelak euskaraz ipiniko dituzte; kanpotik etorritako espainolezko propaganda ez dute ikusgai jarriko; leku-izenen kasuan euskarazko izen ofiziala erabiliko dute eta besteak beste, Euskadiko Kutzak ziurtatu gura du bulegoko langileak gauza izango direla edozein lan euskaraz egiteko.

Udalaren eta Euskadiko Kutzaren artean hartutako konpromisoa datozen lau urteotarako da. Bestalde, hitzarmena eraginkorra izan dadin, jarraipen-batzordea abiaraziko dute.

LABUR

Eskola garraiorako urteroko dirulaguntzak eskatzeko epea zabaldu du Udalak

Aramaioko Udalak jakinarazi digu zabalik dagoela herritik kanpora ikasten dutenek garraiorako dirulaguntza eskatzeko epea. Hain justu ere, interesa duenak datorren ekainaren 20a baino lehen egin beharko du eskaera Udalean. Ikasleek honako baldintzak bete beharko dituzte dirulaguntzak eskatzeko: DBH ikasten ibiltzea (Arrasateko Institutura doazenez izan ezik); HSAOG ikasten ibiltzea; Erdi edo Goi Mailako Heziketa Zikloren bat egiten ibiltzea edo unibertsitate mailako ikasketak egiten ibiltzea. Eskaerarekin batera matrikulazio ziurtagiria aurkeztu beharko da. Gero, jasotako eskaera kopuruaren arabera eta eskatzaile bakoitzaren baldintzen arabera zehaztuko du Udalak eman beharreko laguntzen kopurua. Adibidez, zenbat eta urrunago ikasi, orduan eta laguntza handiagoa jasoko du ikasleak. Udaletik jakinarazi digutenez, eskaera asko jaso ohi dituzte; iaz, adibidez, 60 bat izan ziren.

Bestalde, Arrasateko Institutura doazenendako, Udalak beste modu batez bideratuko ditu laguntzak.

Bañera elkarteak oraindik ez du etorkizuna ziurtatzeko erreleburik lortu

Bañera Kirol Elkartearen etorkizunak zalantzan segitzen du, izan ere, oraindik ez du inork hartu elkarte horren gaineko ardura. Elkarteak gaur egungo zuzendaritzako kideek esan digutenez, batek edo batek interesa agertu du, baina, ez du konpromiso serioirik hartu. Hala, egoerak horrela jarraitzen badu eta inor ez bada agertzen, Udalera joko dute. Asmoa da Udalak ikustea zein den elkartearen egoera eta, besterik ezean, Udala egitea elkartearen kargu. Gaineratu digutenez, Bañera elkarteak taldeetako jokalariek eta entrenatzaileak lanean jarraitzeko gertu daude.

TELEFONO JAKINGARRIAK

OSASUNA / LARRIALDIK	
Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiko Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoaren orduetan eskaeraren arabera zerbitzua eskaintzen dute. Auzoetako bizilagunei zuzendutako da, eta autobusa erabili gura badute, bezperan delitu beharko dute honako zenbaki honetara: 629 54 59 23

Maila oneko lehiakideek eman dute izena biharko lasterketarako

UBANE MADERA

Guztia gertu dute bihar Aramaioko III. Rallysprinta egiteko. 39 lagunek eman dute izena, maila oneko lagunek, gainera. 14:30ean moztuko dute errepidea eta 15:30ean hasiko da lasterketa. Guztira, 6,6 kilometroko ibilbidea egin beharko dute.

Errotabarri baserrian hasiko da lasterketa; handik Arriolaranzko bidea hartuko dute eta Andra Mariko bidegurutzeraino iritsi beharko dira lasterkariak, huraxe izango da eta helmuga. Hori 15:30etik aurrera izango da; lehenago, 10:00etatik aurrera egiaztapen teknikoak egingo dituzte, kiroldegian. Eta lehen esan bezala, errepidea 14:30ean moztuko dute.

IA 3.000 EURO SARITAN

Aramaioko proba Euskal Herriko rallysprinten txapelketarako puntuagarria izango da. Horrez gainera, sariak ere banatuko dituzte. Hala, bost *scratch* sari



ARTXIBOA

Errotabarri baserrian hasiko da lasterketa eta Andra Mariko bidegurutzan bukatuko da.

izango dira: aurrenekoarendako 400 euro; 300 euro bigarrenari; 200 hirugarrenari eta 100 laugarren eta bosgarrenari. Klaseen sarie-

tan, klase bakoitzeko lehenengok 100 euro eskuratuko ditu eta junior sarietan, 150 euro lehenengoak eta 100 euro bigarrenak.

Guztira, 2.850 euro emango dituzte saritan. Aurrekoetan moduan, aurtengo proba herriko Azpiko Racing elkarteak antolatu du.

BOTEPRONTOAN/ Kontxi Kortabarria · Alzagako auzo alkatea

“Telefonicakoekin egin dut berba auzoan ADSL ipintzeko; San Juanetarako ipiniko dute”

Barajuendik Alzagara salto egingo dugu auzo alkateen gainean egiten gabiltzan erreparos. Alzagan ere emakume bat, Kontxi Kortabarria da auzo alkatea. Lanlekutik atera berri harrapatu dugu eta auzoko kontuak galdetu dizkiogu:

Alzagakoa bai, baina nongoa?

Alzaga baserrikoa, Alzagagain baserrikoa.

Alkate zaren aurreneko aldia da?

Ez, bigarren aldiz nago auzo alkate. Orain dela zortzi urte egon nintzen aurreneko aldiz.

Eta esperientzia ona izan zenuen eta auzokideek berriro bozkatu zaituzte, ala?

Bai, halakoren bat izango zen, bai (barreak). Dena dela, esan beharra dago aurreko aldian lan asko zegoela egiteko: saneamendua, argia, gasa... dena sartu zen lau urte haietan. Orduan, orain gauza gutxitxoago dago egiteko, baina beti dago zerbait hobetzeko.

Horren harira, zein egoeratan dago Alzaga?

Nahiko ondo dago. Orain bizilagun berriak etorri dira, etxe berria egin dute... jende gaztea etorri da eta hori ondo dago.

Beharrik ez duzue? Konpon-



“Etxe gehiago egingo balute, hobe. Azken batean hori auzoa aberasteko da, jende gehiago...”

ketarik egiteko?

Errepidea apurtxo bat hondatu dago leku batzuetan eta hori konpontzea ez litzateke txarra izango; baina, bueno, orokorrean ondo dago auzoa.

Auzoko bizimoduari begiratu, Alzagan baduzue bilgunerik, umeendako lekurik...

Ez, ez dago. Etxe bakoitzak bere lursaila dauka, baina plazarik edo halakorik ez dago.

Eta ez duzue faltan igartzen?

Ez. Auzoan ume asko ez da egoten berez. Eta bestela, zerbait gura badugu Azkoagara joaten gara; eta andreak-eta Zabolara joaten dira kartetan jokatzera. Han elkartzan dira Azkoagako, Zabolako eta Alzagako andreak.

Guri, berez, Azkoagako elizara tokatzen zaigu joatea; azken batean gure auzoa Azkoaga ere bada, baina auzo

handiegia denez, bitan bananduta dago, eta gurea da Alzaga. **Zela konpontzen zarete Ibarra-koekin?**

Ondo. Ez dugu harreman larlarregi. Nonbaitera joan behar badugu Azkoagara joaten gara. Bestela, bazkariak-eta daudenean joaten gara Ibarra...

Berritasunen bat auzoan?

Jende gehiago etorri dela. Eta bestela, neure aldetik, Telefonicakoekin egin dut berba auzoan

ADSL ipintzeko. Kontua da Telefonicako zentraletik bi kilometrora dagoela auzoa eta modu horretan aukera dago.

Bestela, ezin da sartu eta Euskaltelen hari optikoa oraindik ez da iritsiko, hortaz, guk egin duguna egitea zen bide bakarra. Esan zidaten sanjuanetarako gertu egongo zela ADSL-a. Eta gero, Euskalteleko hari optikoa ekartzen badute, hobeto.

Lehen jende berria aipatu duzu; jende berri horrekin ohi-tura berriak hartu dituzue auzoan?

Ez. Oraindik hilabete gutxi dira hemen bizi direla. Azken batean eurek ere kanpoan egiten dute lan eta ia ez dugu elkar ikusten. Lehenago etorri zirenekin, berriz, oso ondo konpontzen gara.

OHARRAK

BARIKUKO ZINEMA

Oraingoan, Nigel Cole zuzendariaren *Las chicas del calendario* filma emango dute. Zuzendari berarena da orain dela gutxi Aramaion eman zuten *El Jardín de la alegría* filma. Besteak beste, Helen Mirren, Julie Walters eta Linda Basset dira gaurko filmaren protagonistetako batzuk.

UDAKO IKASTAROAK

Beste urtebetetz, udako ikastaroak izango dira Aramaion. Oraindik egitaraua guztiz zehaztu barik badute ere, egunak zehaztu dituzte: uztailaren 6an, 7an eta 8an izango dira.

PARKEKO ESKULTURA ZIKIN

Haserre daude Udalean Miguel Etxeberria eskulturgilearen *Korapiloak* lana dela-eta, Bañera parkean dagoena. Alkateak jakinarazi duenez, zikindu egin dute eskultura hura. Besteak beste, HZ berbeekin margotu dute. Eta ekintza hori salatu egin dute. Bestalde, eskultura horrekin lotuta, Udalak erabaki du inauguratzeko eguna: uztailaren 20an izango da.